

# Yesu - Dedua

## MAREKO

1

### Yohane dokunadzic

**Mat 3:1-12; Ruk 3:1-9; 3:15-17; Yoh 1:19-28**

1 Yomoc Yesu Kristo Anutuac Medac, yeac siduc gombang hanahema fingerec,

1:14-15

### Yesungo uaya hanaheec

**Mat 4:12-22; Ruk 4:14-15; 5:1-11**

14 Ngic yeneng Yohane witicamau faigec tacmanu Yesungo Gariraia bangecfu kemma Anutuac siduc gombang edekpou ayemmema

15 yofi deec, "Naso bic hau Anutuac eucererenggo mewegenengunudeac ngeni ubangina dzigeneu siduc gombang negensingegec."

1:21-27

### Asu seuhagoc kisanec

**Ruk 4:31-37**

21 Anu yeni Kafanaung taonnu kensikegec. Kensikemagec sabata naso anu Yesungo kpekpeturang amau emma Anutuac yoac kpouyemmeec.

22 Kpouyemmeu ngicngac yeneng kpoukpouyoara negemma imoc negenggec engena anec. Ye kpouyemmeec, imoc ngic uakibi mekecdae, yeneac siricfu kuhagoc amma mitiac negen negengngic yeneac dede isoc mi deec.

23 Anu naso imohaingoc kpekpeturang amau ngic mong asu seuhagocngo tacma arohoc.

24 "Yesu Nadzarete mingina, neneac wiac imoc geac mi ande. Ge memanganenununadeac hanec me? Ni gensiduaenoc, ge Anutuac kpetiac ngic."

25 Ifi deu Yesungo asu seuhagoc ngaba ammima yofi edeec, "Ge waickema ngicfunac erema kenna!"

26 Ifi deu asu seuhagocngo ngic mekpefac ammima kucgoc arohoma erema kenec.

27 Kenu ngicngac sasawango kerectegec amma yenaocngoc kpesiemegec, "Imoc noc wiac? Imoc kpoukpou gboria nga yeng ua minginaac kuhagoc kpounemmeu asu seuhagoc ifingoc yoac edeyunuu yeni yoara negemma tofohogec."

1:32-34

### Ngicngac homac mengereyunuec

**Mat 8:16-17; Ruk 4:40-41**

32 Ifi anu wenac kiwa kemeu ama tofore hamanu ngicngac yeneng hafeigoc nga hadehade amma yafingoc sasawa Yesuaru meyunu kenggec.

33 Nga taonggac ngicngac sasawa yeni ama naguyau kpedzucnegec.

34 Kpedzucnemagec Yesungo ngicngac hafeingina hania haniagoc mengereyunuma hadehade nga yafingngina homac kporarec. Nga hadehade nga yafing kporacyunuec, yeni haniaya negenggecac yoac degecdeac dederac ayemmeec.

2:1-12

### Yesu ye kopocsic wawa ngic

**Mat 9:1-8; Ruk 5:17-26**

1-2 Uameme goa wisickemanu Yesungo monggoc Kafanaung taonnu kenec. Kenu ngicngac homacngo imoc negemma ama wakema naguya hedzickemagec yeng Anutuac yoac edekpou ayemmeec.

3 Ammanu ngic 4 yeneng ngic mong hanimaria homemea tofohoma yearu mekenggec.

4 Mekenggec ngic homacngo nanggecac hoangau faigecdeac obohoma ama witauec enggec. Emma ama bubuya meickegec titinga fingerec. Fingeru yeni Yesu nanecfu imohai ngicpuring dzakeagoc faigec kemeec.

5 Kemeu Yesungo negen negensingngina hemma ngicpuring yofi edeec, "Medacna, kopocsicga bic wawaya."

6 Ifi deu mitiac negen negengngic goa ihai tacgec, yeneng ubanginau yofi negenggec.

7 "Ngi imoc ye nocac yoac ifi dema Anutu emmide! Anutu mocgungo kopocsic naric waude."

8 Yeni ifi negenggec Yesungo ongaasuyau negengyemmema yofi edeyunuec, "Ngeni nocac negen negeng ifia ubanginango negensidae?"

9 Damocngo efea ande? Ngic puring yeac debesonga, 'Kopocsicga kpac ande', me 'Ge yacma tofoga mema kenna.'

10 Nga Ngicac Medac, yeng bangecfu kopocsic wawaac uayoac nga kuc femide, ngeni imoc negenggecdeac amma yofi deba." Ye ifi dema ngicpuring yofi edeac,

11 "Ni edeguduae, ge yacma dzakega mema amagau kenna."

12 Ifi deu imohaingoc ngic ye yacma dzakea mema ngicngac kicnginau kenec. Kenu ngicngac sasawango imoc hemma kpidohoma kerectegec amma Anutu dengerema degec, "Wiac yomoc mi hehennina yaguc fingeru hendimbe."

4:35-41

**Firanggo enac tofohoec**

**Mat 8:23-27; Ruk 8:22-25**

35 Anu ama marai anu Yesungo medacfora yofi edeyunuec, "Nenang dzohong noboc kenni."

36 Ifi deu yeni ngicngac habutoa wayunuma Yesu gombau bic tacmanu yeni ye wangecma kenggec. Kemmagec gomba goango ifingoc modacyunugec.

37 Nga imohai firang engena kpeu tembong kucgoc kpeu dokungo gomba manau erema gomba mewakebeso anec.

38 Anu Yesungo gomba ngadeau kparicngang heima gau femanu medacfora yeneng midima degec, "Kpoukpou, kemebesonga andimbe, ge imocac fagung mong mi annec me?"

39 Ifi degec ye gauunac yacma firang kpetarimima dzohong yofi edeac, "Ge waickema fena!" ifi deu firang kpac anu dzohong imoc ning kpema eng feec.

40 Feu Yesungo medac yeneac yofi deec, "Ngeni nocac kengec andae, negen negensinggina mong mi fede me?"

41 Ifi deu yeni kengec nga damutoa yombong amma kpesiemegec, "Ye noc ngic, firang nga dzohongtoa yereng yeac enac tofohodape."

5:22-24

22 Kpedzucnemagec kpekpeturang amaac gareng mong kpara Yairo, yeng hama Yesuac haniau makpema desambic amma deec,

23 "Naroanna homebeso ande. Ge hama marigango witiau faina ngereeude."

24 Edeu negemma kemmaec ngicngac habutoango hefacemema yearu hagec.

5:35-42

35 Anu Yesungo yoac denammanungoc ngic goa yeneng kpebung garenggac amaunac hama Yairo edegec, "Naroangga bic homedac, kpoukpou monggoc ebic mi mina!"

36 Ifi degec Yesungo yoacngina wama gareng yofi edeac, "Ge mi kengecguu, eng negensinggena."

37 Ifi dema habu kpetariyemmema Petoro nga Yakobo amma munea Yohane, yeni meyunuu kenggec.

38 Kemma garenggac amau kensikema henu ngicngac habu yeni ubahodung amma kpeborongtoa kpema kiacsonggong anggec.

39 Nga Yesungo ine ama manau emma ngicngac yofi edeyunuec, "Ngeni nocac kpeborong kpema kiacdae? Naroang ye mi homedac, ye gau fede."

40 ifi deu yeni dzomoremigec. Yeng ine ngicngac sasawa kporacyunuu ngadeau madacgec. Magec naroanggac nonggomama nga medacfora harebec meyunuu naroang feec, ihai enggec.

41 Emma mariaua mema yofi edeac, "Tarita koumi!" imocac titiha yofi, "Ngacbisc, ni edeguduae, ge yacna."

42 Ifi deu naroang ye imohaingoc yacma kengha anu yeneng hemma kpidohoma negenggec imoc wiac engena anec. Naroang imoc ye kifaya 12 anec.

7:18-23

18 "Ngeni negen negentegecngina kpac, ifi isoc kecdaengoc. Ngadeaunac wiac mong heremanau kemeande, imocngo naric mi heidzadzu kpeude, ngeni imoc mi negentegecdae me?"

19 Wiac imocngo ubanginau mi kemeandeac hereu kemema isinggeu keractennu kemeude." Yesungo ifi dema yaka sasawa nenideac desorongaiec.

20 Amma torokpema yofi deec, "Wiac mong ngic ubahereunac ereande, imocngo ine heidzadzu kpeude.

21-22 Nga ngic ubahereunac wiac yofia ereande, negen negeng mangana nga Kaiserofaka amma hamangecfaka nga ngickpekpe amma eweeneng mewa nga kic hodung amma manganaac areng meme nga ikoc faka amma faka sicsauha nga keracmangang amma desureyoac nga sebiengeng amma ubafong,

23 imoc sasawango ubahereunac erema ngic heidzadzu kpeude."

9:2-8

**Kristoac kuc nga kibikperagia**

**Mat 17:1-13; Ruk 9:28-36**

2 Anu uameme 6 wisickemanu Yesungo Petoro nga Yakobo amma Yohane meyunuu tikitoa herea monnu tembungina kecgecdeac enggec. Emma sebia kicnginau heimeremma siriha mong yombong anec.

3 Ngakpia hereha kperagima kongac koporac yombong anec. Bangecfu ngic mongngo wamba kongac kongac ifia naric mi meficgeude.

4 Anu imohaingoc Mose nga Eria fingecyemmema Yesugoc yoac denegeng anoc.

5 Ifi anggec Petorongo Yesu edeac, "Kpoukpou, yei kecni songea andeac bedzo bedzo harebec meni. Geac mong nga Moseac mong amma Eriaac mong."

6 Yeni homac kengecyunuecac ye noc wiac debeso, imoc obohoec.

7 Ifi nammagec hoeng mongngo hama semeyunumanu hoeng manaunac yoacudumeng mong yofi fingerec, "Yomoc neac Songomedacna, ngeni yeac yoac negembisia!"

8 Yoac wisickeu imohaingoc yeni fikengfiha amma Yesungosac yenigoc nanu henggec nga ngic mong mi henggec.

12:28-31

**Dedeseriyoac engena**

**Mat 22:34-40; Ruk 10:25-28**

28 Anu Yesugoc demereng anggec, yeng turunga gombunga merengyemmeu mitiac negen negengngic yeneanunac mongngo imoc hemma Yesuaru hama kpesimiec, "Dedeseriyoac damocngo engena yombong ande?"

29 Ifi kpesimiu Yesungo yofi deec, "Dedeseriyoac engenangina yofi fede,

'Israengic ngeni negenggec, Kebu Anutunina ye mocgu nga

30 ge ubaherega nga ongaga amma negen negengga nga kucga sasawa, imoc hafoangoc Kebu Anutugaac heresongo negemma kecbesena.'

(Dedeseri 6:4-5)

31 Nga mong yofi,

'Ge geangga anggengande, siriha imocngoc ngicngac gegoc wegena kecdac, yeni heresongogoc hoangyunubesena.'

(Sesememe 19:18)

Dedeseriyoac imoc yereac engena mong mi fede."

14:10-11

**Yesu kerereec**

**Mat 26:14-16; Ruk 22:3-6**

10 Anu medacfora 12 yeneanunac mong kpara Yuda Karioto amaunac, yeng Yesu meyemmeudeac dema womong gareng enara yenearu kenec.

11 Kenu yeni ubangerec negemma dzo migecdeac degec. Ifi degec Yudango naso gombung damohai Yesu doc mema yereac mariu faiude, imocac kicfifi kefec.

14:44-46

44 Hagec benukererec ngicngo yofi derecgeyemmeec, "Ni ngic muduckebade, ngeni yenoc mendanggema garenggeyombonggema mekembisia."

45 Anu Yuda ye hama Yesuaru bic kemma, "Kpoukpou." dema muduckeec.

46 Muduckeu yeni Yesu maria noboc noboc mema mendanggegec.

15:6-15

**Yesu kpegecdeac deseriec**

**Mat 27:15-26; Ruk 23:13-25; Yoh 18:38-19:16**

6 Anu makekeng nasousoc ngic mong witicamau takefu yudangic yeneng yeac kpara kpacgec Piratongo yenoc witicamaunac wau makefec.

7 Amma ngic goa warac ngicngac here miac miac faka amma ngic goa yunuhomegec witicamau faiyunugec, yenearunac ngic mong kpara Baraba.

8-10 Nga womong gareng enara yeni Yesuac keracmangang amma yeac mariu mekenggec, Piratongo imoc bic negenec. Ifi negenu habutoa yeneng hama Piratongo angkefec, ifi isoc anudeac kpesimigec yeng meremma yofi kpesiyemmeec, "Yudangic ngeneac ngictau yungecngemmedeac negendae me?"

11 Ifi deu womong gareng enara yeneng habu fenggeyemmegec yeneng Yesu wama ine Baraba naric yungecyemmegecdeac degec.

12 Ifi degec Piratongo monggoc meremma kpesiyemmeec, "Anu ni yudangic ngeneac ngictau dedae, yeac dafi ambade?"

13 Kpesiyemmeu yeneng arohogec, "Ge ye mariponnu kpena homeu."

14 Ifi degec Piratongo monggoc kpesiyemmeec, "Nga ye noc kopocsic meec?" deu ine yeneng monggoc seriangoc arohogec, "Ye mariponnu kpebesena."

15 Ifi degec Piratongo habu yeneac negen negeng modarudeac negemma Baraba wau kenec. Nga yeni Yesuac sebia dzikacngo kpemaguc mariponnu kpegecdeac wasai maringinau wayemmeec.

15:33-39

### **Yesu homeec**

**Mat 27:45-56; Ruk 23:44-49; Yoh 19:28-30**

33 Wenac dzongiau 12 kiroc ammanu imohai ama kundung kpema kundungngo bangec sokoma fekemmanu 3 kiroc marai anec.

34 Imohai Yesungo ubaudumeng kunengngoc kpacma yofi deec, "Eroi, Eroi rama sabaktani." Imocac titiha yofi, "Anutuna Anutuna, ge nocac wanudang." (*Mitiyegec 22:1*)

35 Ye ifi kparu ngic wegenac nanggec, yenearunac goango imoc negemma degec, "Negenggec, ye Eria kpacsambic ammidide."

36 Ifi degec ngic mongngo nedzikemma kondung sobing mong mema waing aengagocfu nemuruckema yasuu faiu Yesuac enarau enu deec, "Tomai namma henni, Eriango hama mesiude me kpac!"

37 Ifi demanu Yesungo ine ubaudumeng kunengngoc kparu asuya ereec.

38 Ereu womonggac kporuc kuneng<sup>1</sup> imoc dzongiausing wihacnac tohoma mau yohockang anec.

39 Anu wasaigareng yeac kicfu nanec, yeng Yesungo kparec nga homeec, imoc hemma yofi deec, "Foracngoc, ngic yomoc ye Anutuac medacnoc."

15:42-46

### **Yesu tonggogec**

**Mat 27:57-61; Ruk 23:50-55; Yoh 19:38-42**

42 Marai bic anu hombanggac memengereac naso wegene hau sabataac naso femanu

43 Yosefe Arimataia taonunac, yeng ihai haec. Ngic ye kpactoayagoc yudangic yeneac tutumangtoa, imocac membangina mong amma ye Anutuac eucererenggac tomai kefec. Yeng kengeha kpac Piratoaru kemma Yesuac fareng meudeac kpesimiec.

44 Kpesimiu Pirato ye Yesungo bic homeec, imocac kpidohoma wasaienara kpacma Yesu bic homedac me kpac, imocac kpesimiec.

45 Kpesimiu Yesu bic homedac deu Yesuac fareng Yosefe desimiec.

46 Desimiu Yosefengo linengkporuc mong bummema Yesuac farenga mariponnunac mesiu mau kporucngo tembonggema kicsereu mekenec.<sup>2</sup> Kicsere imoc hocsirau singa usu usuya, imohai farenga faima hoctoa mong kpedidinggeu singa hedzickeec.

16:1-7

### **Yesungo homecfunac yarec**

**Mat 28:1-8; Ruk 24:1-12; Yoh 20:1-10**

<sup>1</sup> - Kporuc imoc ama kpetiac nga ama kpetiac yombong, yereac botucngirau faifaia.

<sup>2</sup> - Lineng imoc kpindzing mong ambiaac ogea, imocngo wamba mekecgec.

1 Sabata tatac naso wisickeu imohai Maria Madara nga Maria Yakoboac nonggea amma Sarome, yeneng kemma Yesuac fareng nadzicmigecdeac kerec homunagoc bummegec.  
 2 Bummema sonda gboria hanac hanaheau asoacngoc ama wereckenu kicsereu kemmagec wenac ereec.

3 Anu kemma yenaocngoc denegeng amma degec, "Merang hocsingaac naguya imohacnac hoc kpedidinggenemmeude?"

4 Ifi dema kic fima henggec hoctoa imoc ine bic kpedic kpedidinggea. Nga hoc imoc kunengtoa yombong.

5 Hemma kicsereu emma henggec medac mongngo ngakpihereha kongac kongac mong heiec, yeng foiugeng taru hemma kpidohoma kerectegec anggec.

6 Ifi anggec yeng yofi edeyunuec, "Ngeni mi kengecngunuu. Yesu Nadzaretenc mariponnu kpegecmoc, ngeni ye hembeso hadae nga ye bic gborima yacdac, yei mi fede. Faigec fedac, fefea imoc henggec.

7 Ngeni kemma medacfora nga Petoro yofi edeyunuec, ye waraingemmema Gariraia bangecfu kende. Anu ngeni imohai kemma ye meficgegec, yengenaoc edengunuec, ifi isoc."

16:15-16

15 Edeyunuma yoac yofi deec, "Ngeni bangectoa bangec, imohai kemma wiac sasawa Anutungo deu fingerec, yeni siduc gombung edekpou ayemmebisia.

16 Anu ngic me ngac mong negensinggema mitidoku nadziru Anutungo ye ebicfunac mesiu komoc kpeude. Nga mong ye mi negensinggeude, yeng ine yoacfu makpeude.

16:19-20

**Kurumennu enec**

**Ruk 24:50-53; Aps 1:9-11**

19 Kebu Yesungo yoac ifi edeyunuu wisickeu Anutungo ye kurumennu meenu yeac foiau tacde.

20 Anu medac yeni noboc noboc kemma siduc gombung ngicngac edekpou ayemmegec. Nga Kebungo yenigoc kefu yeni ua megec faka kuhagoc fingerec, imocngo yoara meseriec.